

## زفة فرحة مسانا

سموا بسم الله وصلوا ع النبي خير الأنام  
سموا بسم الله على اللي شرفتنا بالحضور  
هالعروس اللي تبادت كنها بدر التمام  
عطرت فرحة مسانا واشعلت هالليل نور

الله عليك يا احلا عروس  
الف الصلاة والسلام على الرسول

للسعد واحلام الليالي مواعيد  
في ليلة من أحلا وأغلى الليالي  
ليلة مساها أشبه بليلة العيد  
فيها التقى بالسعد غالي بغالي

تقبل (ريم) ويقبل النور ويزيد  
تمشي ويكسيها الحيا والدلاي  
خطواتها نفث المطر في ثرا البيد  
ولفتاتها لفتات خشف الغزالي

ربي عطاها من الحلا كل ماتريد  
حشمة وعفة وطيبة وقدر عالي  
ماسة تمنتها الجواهر بكل جيد  
دانة تفوق أغلا الدرر واللاي

(ريم) بها لو يكتب الوصف ويعيد  
تبقى في عين الوصف شي خيالي  
عذبة ولو تلمس بحر باصبع الإيد  
ملحه يذوب ويصبح البحر حالي

اختارها من اللوفا والسخا سيد  
اختارها بالطيب خير الرجال  
(طلال) قطف من طيب قلبه عناقيد  
وأجرى من أنهار المحبة زلال

والنعم كلمة دايم بطبعه تشيد  
والدار تفخر به بأول وتالي  
(طلال) جعل للمجد مجدن وتمجيد  
في حب ناسه ما دخر كل غالي

عسى الفرح يجمعه مع قايد الغيد  
ويكون له في العمر في وظلال  
وعسى وفا الأيام عيد ورا عيد  
يبدا من الليلة لكل الليالي